



Broj: 01-07-10-51-284/2024
Sarajevo, 13.12.2024. godine

Na osnovu člana 11. stav (5) Zakona o Visokom sudskom i tužilačkom vijeću Bosne i Hercegovine („Službeni glasnik BiH“, br. 25/04, 93/05, 48/07, 15/08 i 63/23) i člana 23. st. (3) i (4) a sve u vezi sa članom 25. st. (2) i (3) Zakona o slobodi pristupa informacijama na nivou institucija Bosne i Hercegovine („Službeni glasnik BiH“ broj 61/23), te člana 5. Pravilnika o postupanju po zahtjevu za pristup informacijama VSTV-a BiH 08-02-3075/2010 od 2.9.2010. godine, 08-02-3645/2013 od 24.9.2013. godine, 08-02-388-1/2014 od 22.1.2014. godine i 08-07-2-3459/2021 od 29.9.2021. godine, rješavajući po zahtjevu za pristup informacijama Elvire Kučević, [REDACTED] od 14.11.2024. godine predsjednik Visokog sudskog i tužilačkog vijeća Bosne i Hercegovine donosi

ZAKLJUČAK

Zahtjev za pristup informacijama podnesen od strane Elvire Kučević 14.11.2024. godine **odbacuje se kao neuredan.**

Obrazloženje

Elvira Kučević [REDACTED] (u daljem tekstu: podnositeljica zahtjeva) je Visokom sudskom i tužilačkom vijeću Bosne i Hercegovine (u daljem tekstu: VSTV BiH/Vijeće) dana 14.11.2024. godine uputila elektronsku poruku, koja je upućena istovremeno na više e-mail adresa, uključujući i e-mail adresu VSTV-a BiH, kojima je tražila informacije u vezi sa policijskom zaštitom sutkinje Općinskog suda u Tuzli B [REDACTED] K [REDACTED] S [REDACTED].

S tim u vezi, budući da su zahtjevu nedostajale informacije propisane članom 23. stav (3) Zakona o slobodi pristupa informacijama na nivou institucija Bosne i Hercegovine („Službeni glasnik BiH“, broj 61/23; u daljem tekstu: Zakon), u skladu sa članom 25. stav (2) Zakona, podnositeljici zahtjeva upućen je poziv na ispravku, odnosno uređenje zahtjeva.

Uvidom u službenu evidenciju utvrđeno je da je poziv za ispravku uručen putem elektronske pošte 21.11.2024. godine, te da do dana pripreme ovog zaključka VSTV BiH nije zaprimio ispravljeni zahtjev.

Razmatrajući zahtjev za pristup informacijama i sve relevantne činjenice u vezi sa ovim predmetom, Vijeće je donijelo odluku kao u dispozitivu ovog zaključka iz razloga što podnositeljica zahtjeva nije dostavila Vijeću ispravku svoga zahtjeva u skladu sa pozivom na ispravku VSTV-a BiH broj 01-07-10-51-256/2024 od 20.11.2024. godine, a na osnovu dostavljenog se ne može sa sigurnošću utvrditi koji su podaci traženi od VSTV-a BiH, kao regulatornog tijela u pravosuđu Bosne i Hercegovine, a koji od drugih institucija.

Naime, zahtjevu od 14.11.2024. godine nedostaju mnogi elementi zahtjeva koji su kao obavezni propisani članom 23. stav (3) Zakona o slobodi pristupa informacijama na nivou institucija Bosne i Hercegovine („Službeni glasnik BiH“, broj 61/23; u daljem tekstu: Zakon), posebno podaci koji su važni za prepoznavanje tražene informacije u smislu, između

ostalog, preciziranja pitanja koja su upućena VSTV-u BiH, što je detaljno navedeno i obrazloženo u gore navedenom pozivu za ispravku.

Imajući u vidu sve navedeno, odlučeno je kao u dispozitivu ovog zaključka.

Pouka o pravnom lijeku:

Protiv ovog zaključka podnositeljica zahtjeva ima pravo podnijeti žalbu Žalbenom vijeću pri Vijeću ministara Bosne i Hercegovine u roku od 15 dana od dana prijema istog.

Ukoliko Žalbeno vijeće ne odluči po žalbi u roku od 30 dana od dana prijema žalbe, podnositelj žalbe ima pravo pokrenuti upravni spor pred Sudom Bosne i Hercegovine zbog šutnje administracije.

Dostavljeno:

- podnositeljici zahtjeva
- a/a

